

古尊宿語錄卷第二十二

勿十

黃梅東山和尚語上

五祖禪師名法演蜀人也初住四面山開堂
勿十拈疏示衆云兵隨印轉將逐符行請對幕
官分明剖露宣疏了指法座云此大寶華王

座從朝至暮與諸人同起同坐諸人還見麼
若見更不在升若不見莫道今日謾你便升
座拈香云此一瓣香先為

今上皇帝伏願常居鳳宸永鎮龍樓次拈香
云此一瓣香奉為
州縣官僚伏願乃忠乃孝惟清惟白永作生民父母長為外護紀

綱又拈香云此一瓣香得來久矣十有餘年
海上雲遊討一箇冤讐未曾遭遇一到龍舒
果遇其人方契憤憤之心今日對大眾雪屈
湏至葵却為我
見住白雲端和尚從教
薦天灸地一任穿過蔡州有臯孔底辨取龍
門和尚白慥云法筵龍象衆當觀第一義師
云若論第一義西天二十八祖唐土六祖立
在下風一大藏教白雲萬里摩竭掩室毗耶
杜口正在夢中千佛出世森語未了文殊普
賢拗曲作直所以道設使言前薦得猶是燭
殼迷封鐸饒句下精通未免觸途狂見若也
把定封疆說什麼法堂前草深一丈直得凡

聖路絕鳥飛不度天下衲僧_{出世}氣處衆中袁有不甘底麼出來相見時有僧問優曇花現方便門開朝宰臨邊如何舉唱師云今日好晴學云果日當空清風匝地師云省得我多少問如何是人中境師云寶閣凌空金鐸響匡松隈險野猿帝學云如何是境中人師云鼻直眼橫乃云更有問話者麼若無雙泉今日向第二義門放一線道與諸人相見和泥合水一上且要繹迦弥勒動地雨花文殊普賢觀音勢至各器一方助佛揚化皆務本事器量堪任雙泉不免也入一分共說東家杓柄長西家杓柄短任從春草青青炎光爍爍

秋樹葉零冬冰片薄何故如是且要諸人順時保愛乃拈起柱杖云古人道拈起也天因地轉放下也草偃風行四面即不然拈起也七穿八冗放下也錦上鋪花且道還有為人處也無良久云來年更有新條在惱亂春風卒未休勿十 師在白雲授帖拈起示衆云大

衆只恁麼會得埋沒宗風過犯不小幸有見成公案請維那對衆宣讀宣帖了授法衣提起云既是大庾嶺頭提不起為什麼却在著裏且道者裏底是那裏底是乃云勢鋒自汲清涼水却著袈裟作主人便披指法座前云象王回師子步儂家看著雙眉聚然雖如是

事到如斯難為辯讓但有路可上更高人也
行便升座僧問禪非意想道絕功勳轉身一
句作庶生道師云大眾見你學云也知和尚
有此機鋒云獨出閻梨學云今日却成造次
師云捧上不成龍問沙場久戰名遼今朝不
涉功勳作庶生道師云長蛇猶自可偃月怎
生當學云金鎗慣調曾百戰鐵鞭多力恨無
變師云知君不是金牙作爭解彎弓射尉遲
學云眼親不如手親師云新長老敗闕學云
口是禍門師噓乃云秋風颯颯玉露垂

復云諸佛不出世四十九年說未審說箇什
麼少林有妙訣殃及子孫至今分岐不下更
說什麼妙訣若人識祖佛當處便超越與未
超越則且置你道祖佛即今在什麼處若無
人道得山僧不惜眉毛與汝諸人拈出拍禪
床一下勿十上堂奉古人道若有一人發真

歸源十方虛空悉皆消殞焚泉則不然若有
一人發真歸源十方虛空築著礎著

到興化上堂僧問和尚未離四面時如何師
云在屋裏坐學云離後如何師云走殺閻梨
乃率法眼炳云山水君居好城隍我亦論靜
聞鍾角響閣對白雲也大眾法眼雖不羣雲

擾霧爭柰徧地清風四面今日試與法眼把手共行靜聞鍾角響且不是声聞對白雲也
且不是色既非声色作麼生商量乃云洞裏無雲別有天桃花似錦柳如煙仙家不解論
冬夏石爛松枯不記年上堂云天上無彌勒地下無彌勒十字街頭立被人喚作賊
便下座歲旦上堂云元正啞祚萬物咸新揚尽大千沙界都未只在一塵乃展手云
是新是舊有人出來道看若無四面且世諦流布去也遂叉手云孟春猶寒伏惟首座大衆泊諸知事尊體起居萬福上堂僧問
千峯寒色即不問雨滴嵒花事若何師云今

日也相似學云一句迦超千聖外十山銷斷萬重關師云一滴落在什麼處學云錯師云錯學云錯錯師便打白衆出隊上堂云明日足馬單鋒為國出戰得勝回戈之日滿路歌謡大眾作麼生是歌謡一曲乃云囉囉哩囉囉還有人和得麼良久云驚驚繡了從君看莫把金針度與人寒食夜小參僧問群迷久渴冒雨登山向上之機請師方便師云不免入山一回學云恁麼則步步踏實去也師云空手却回去學云若是那邊還的當也無云罕遇知音學云謝師證明師云知音底事作麼生僧剗一剗師云又被風吹

別調中學云往往隨他口頭走師云更是阿
誰乃云李白桃紅山青水綠雲橫洞口月皎
長空若只向者裏薦得法眼道月明幽室寒
星分拱辰異便須毛解冰消韶國師道通玄
勿十
峯頂不是人間心外無法蒲目青山亦須百
雜碎向也盡乾坤大地不消一裡然難如是
事無一向今夜且放過一著上堂舉梁武
帝問達磨如何是聖諦第一義磨云廓然無
聖帝云對朕者誰磨云不識又僧問六祖黃
梅意旨什麼人得祖云會佛法底人得僧云
和尚還得麼祖云不得僧云和尚為什麼不
得祖云我不會佛法師云大小大祖師問著

底便是不識不會為什麼却兒孫偏地刀云
一人傳虛萬人傳實小參僧問施主遠趨於
丈室請師一句利於人師云教天下人成佛
去學云悠悠塵內容不謾入山來師云中間
猶有衆生在僧便喝師云且道是佛是衆生
學云四面眼難謾師云你向什麼處見四面

僧拂袖歸衆師云作家刀云滿口道得底却
不知有知有底又道不得且道過在什麼處
將成九仞之山莫惜一簷之土上堂舉
雲門垂語云古佛與露柱相交是第幾箇自
代云南山起雲北山下雨師云大小大雲門
大師元來小膽四面道古佛與露柱相交是

第四機良久却云者箇說話面皮厚三寸出
語成不遜好將臨濟禪一日打三頓什麼人
下得手雖然罪過彌天新赦咸放勿干 上堂
云於三七日中思惟如是事釋迦老子半夜
逾城直往雪山早是漏逗不少更思惟箇什
麼便下座五 上堂舉藥山久不上堂主事

報云大眾久思和尚示誨山云打鼓著大眾
方集山便歸方丈主事云和尚許爲衆說法
何故一言不措山云經有經師論有論師爭
怪得老僧師云雖然以己妨人奈何賊身已
露諸人要識藥山麼閑持經卷倚松立笑問
客從何處來五 上堂舉僧問洞山如何是

善知識眼山云紙燃無油師云洞山老漢不
是無只是大儉忽有人問四面如何是善知
識眼只向伊道瞎何故且要相稱刀云紙燃
無油也大奇不堪拈掇有誰知四身却憶來
時路月下騰騰信腳歸五 上堂舉教中道
若謂如來有所說法即爲謗錦尺如一大藏

教甚麼得來若言無說五千四十八卷什麼
處消遣到者裏須是箇人始得還會密莫謗
四面好五 上堂舉僧問投子如何是十身
調御投子下禪床立式有人問四面如何是
十身調御老僧亦下禪床立為什麼却依樣
畫貓兒待我計校成即說向你五 上堂舉

禦山問石頭三乘十二分教某甲粗知承聞
南方直指人心見性成佛某實未明乞師指示
石頭云恁麼也不得不恁麼也不得恁麼
不恁麼惄不得山僧在衆日間兄弟商量道
即心即佛亦不得即心即佛亦不得若恁
麼說話敢稱尊客何故殊不知石頭老人丈
武兼備詔略雙全若是四面見處也要諸人
共知只見波濤涌不見海龍宮 上堂云
仲冬嚴寒伏惟首座大眾尊體起居萬福兩
彩一賽便下座 上堂云有一則語舉似
諸人第一不得錯舉便下座 上堂云昨
宵年暮夜今朝是歲旦都大尋當日世人生

異見不辭逐根元只管尋枝蔓新舊只如今
子細分明看若也更商量秦時鐸鑠鎖諸院
長老入山師上堂云賑濟入門便喝是甚益
鳴声德山入門便捧拗曲作直雲門三句曹
洞五位大開眼了作夢何故如此國清才子
貴家富小兒嬌 到龍門上堂云有舌胡

勿十

六

利無口非亞七出八沒風流儒雅便下座
到海會上堂云白雲山裏白雲人把空疆封
無縫罅無縫罅知幾價莫有知價底麼刀云
一二三四五 到興化上堂云世事冗如
麻空門路轉賒青松林下客幾箇得歸家共
唱胡笳曲分開五葉花幸逢諸道友同上白

牛車大衆車在者裏牛在什麼處芳草渡頭
尋不見夜來依舊宿蘆花下座甘露資長老
把師住云舒州管界元來有箇草賊師云和
尚也須提防資疑議師便拓開上堂云
祖師道葉落歸根來時無口祖師恁麼道猶
大悟在便下座上堂云祖師說不著佛
眼看不見四面老婆心為君通一線便下座
上堂云春氣乍寒乍暖春雲或卷或舒引得
韶陽老子放出針眼裏魚乃云錯謝主
畢上堂僧問王索仙陀婆時如何師云七孔
八竅學云如何是王索仙陀婆師云鸞鶯未
排齊冤令學云如何是仙陀婆師云眼瞓耳

熱僧禮拜師云點乃云文殊張帆普賢把船
勢至觀音共相唱和贏得雙泉闊中打坐打
坐即不無且道下水缸一曲作磨生唱羅哩
哩囉哩俗氣不除上堂云今宵正月
年乾坤都一片普賢門大開相逢不相見乃
云過在阿誰上堂云默默默無上菩提
從此得賺殺人便下座上堂舉鏡清問
勿十七
玄沙學人乍入叢林乞師指箇入路沙云還
聞偃溪水聲聲清云聞沙云從者裏入師云
果是得入一任四方八面若也未然輒不得
離却者裏謝典座上堂云小繩錢貫大繩
井索日急要用斧離木杓雖然破家具應用

有處著著錯南北東西水洒不著 冬至上
堂云少年天子此日拜郊林泉之士遠望歌
謠萬歲萬歲便下座 有一道姑入山禮拜
請上堂云道可道非常道真可笑姮娥一夜
繡鴛鴦解把金針呈巧妙將並老黃梅兒孫
一何拙如今箇箇口吒吒問著烏龜喚作鼈
四面今日與君決別怎生重窺家窺家莫向
背地裏吐舌 住太平錄 師入院日僧問
遠別雙泉來 賦禪衆入門一句頑師舉揚師
云也待一一覲過學云恁麼則清涼山遠人
休去只此焚香便見師師喝云話也不領學
云今朝親見面端的勝聞名師云猶自喃喃

問如何是太平境師云數層寶塔侵天起萬
本喬松布地寒學云如何是境中人師云閑
持經卷倚松立笑問客從何處來學云人境
已蒙師指示向上宗乘事若何師云須信下
方城郭近果然鐘磬接笙歌乃云我本無心
有所希求今此寶藏自然而至世間之寶能
變窮為富此之一寶能轉凡成聖且道如今
是凡聖太平道惱不是何故若攀連根苦
甜瓜徹蒂甜 上堂云達磨無端少林而壁
二相斷臂一生受屈黃蘖樹頭計甚木蜜太
平今日兩眼如漆李廣神箭是誰中的
上堂僧問如何是賓中賓師云少喜多瞋學

云如何是賓中主師云傳言送語學云如何
是主中賓師云鍾馗小妹學云如何是主中
主師云一言綻出口地上繡綯開乃云近日
太平院禪和多聚叢象底老婆禪喫底籼米
飯知事失照顧主人少方便雖然沒滋味要
且緩緩嚥勿十 謝莊主上堂云一不做二不休

不風流處也風流若要公私濟辦好看露地
白牛 上堂云西天二十八祖也恁麼道唐
土六祖也恁麼道天下老和尚也恁麼道獨
有太平不恁麼道向故寡不敵衆且道畢竟
如何妙舞更須知偏指三臺湏是大家催
上堂云上是天下是地南北東西依舊位釋

迦老子弄精蒐達磨西來多忌諱忽有箇漢
出來道和尚低敲但向伊道祇要拋埠引玉
上堂云山僧今日持山河大地盡作黃金尺
該有情無情惣令成佛去然後太平不入者
保社何故爭之不足讓之有餘 上堂云太
平不會禪一向外邊走臘月三十日羸得一
張口且道那箇是太平口自云兩片皮也不
識 上堂舉寶壽作街坊時見兩人相諍一
人以手打一拳云你得恁無面目寶壽因而
洋入若人於此知落處可謂公辦私辦大眾
聽取一領甚妙也甚妙於此知性命辦鼻與
一拳當時便打正 上堂舉教中遺假使滿

世間皆如舍利弗盡思共度量亦復不能知尋常衲僧家高揖釋迦不拜弥勒是會佛智不會佛智衆中有則有只是藏牙伏爪太平有箇見處不惜眉毛舉向諸人待有人問箇口便答上堂云數日已未連綿大水所到之處皆有損傷曹溪一滴汎滿人間衲僧一吸鼻孔^{勿十}遼天且道名字既同為什麼損益有異誰知遠煙浪別有好思量上堂云一葉落天下秋一塵起大地收拾即不無何人親

肯屈尊就卑且道不凡不聖一句作麼生道乃云不得教壞人家男女上堂舉二祖見二祖禮拜問曰請師懺罪二祖云持罪未與汝懺三祖云求罪不可得二祖云與汝懺罪竟因成一頌舉似大眾無孔笛子撻拍板五音六律皆普偏時人不識黃幡綠笑道儂家登寶殿上堂云淺聞深悟深聞不悟爭柰何爭柰何獻佛不在香多上堂云開眼為晝合眼為夜坐斷舌頭誰談般若金色頭陀不入保社上堂舉風光云若立一座家國興盛野老頻蹙不立一座家國喪亡野老誑歌太平即不然若立一座法堂前草深一丈不

立一座錦上鋪花何也不見道九九八十一
窮漢受罪畢纔擬展脚眠蚊蟲獮蚤出
上堂因雪舉僧問雲門不起一念還有過也
無門云須弥山師云有時問著師僧或豎一
指或進一步或下一喝或拂袖便去上座未
在何故太平未曾向二三月間下一陣雪向
汝諸人在如今有箇漢出來道老和尚莫七
賴八倒見今下也不是乃展手云了 上堂
僧問蓮花未出水時如何師云在泥裏學云
出水後如何師云在水上問王子未登九五
時如何師云逢人多問路學云正登九五時
如何師云天下太平學云登九五後如何師

云誰論好醜乃云末後最慙愧家隨處新
大千沙界裏不免箇中人且道那箇是箇中
人平蕪盡處是青山行人更在青山外
上堂舉雲門道平地上死人無數出得荆棘
林者是好手時有僧云恁麼則堂中第一座
有喪處雲門云蘇禪蘇喫太平即不然平地
上箇箇丈夫荆棘林裏坐得底是好手向故
乃云格初十 上堂云將四大海水為一枚硯須
彌山作一管筆有人向虛空裏寫祖師西來
意五字太平下座大展坐具禮拜為師若寫
不得佛法無靈驗有麼有麼便下座大眾說
師高声云侍者侍者應喏師云收取坐具復

問侍者云還收得坐具麼侍者提起坐具師
云我早知你恁麼也 上堂云入荒田不揀
信手拈來草不認大哥妻元来是嫂嫂鄭州
出鴉梨青州出大棗無事巾單下箇箇從頭
咬 上堂云有盞曰鹹無鹽曰澹太平聞說
口似匾擔便下座 上堂云神通妙用不久

茲毫通人今上何用忉忉泥多佛大水長船
高 上堂云一月普現一切水一切水月一
月攝誠哉是言也可謂塑不成盡不就昨夜
三更白如晝謝典座上堂云變生作熟雖然
易衆口調和轉見難鹹澹若知真箇味自然
飢飽不相干 上堂拈起拄杖云昨夜三更

夢見拄杖子教我一片禪向我道和尚明日
早起上堂舉似大眾昨日錦上鋪花今日脚
踏實地但看今日明朝說甚祖師未意翻思
黃面老人謾道靈山授記直饒大地山河借
我鼻孔出氣不如放下身心自然仁義禮智
為亡僧下火舉起火把云火風四大互相遠
勿十

十一

背當此時節隨緣自在次日又為一僧舉起
火把云昨日也恁麼今日也恁麼且道昨日
是今日是說甚是不是你看是甚火色
上堂云今朝正月半與諸人相見燈檠長新
苗粒粒皆成麪薦不薦全藉春風扇 次住
海會師入院開堂日宣疏了刀云疏帖一時

讀了若是具金剛眼睛底何必重說偈言舉
拔如是事無一向便外座拈香罷四面白提
云法筵龍象衆嘗觀第一義師云金鑑慣將
平祖道鐵鞚多力恨無辭莫有不顧危亡底
衲僧麼出來相見僧問白雲山下祖今嘗行
如何是祖令師云一二三四五學云恁麼則
昨日太平今朝海會師云高著眼僧問昔日
爲霖去今朝領衆來朝賢臨座下願震一轂
雷師云你還聞麼學云風送好雲歸碧洞水
朝滄海助波濤師云知心有義人學云寨山
富撫掌捨得每慈惲師云將謂無人學云也
不得壓良為賊師云且禮拜著乃云問話且

止夫第一義適末若於四面搥下薦得千聖
不能近祖師言不到天下作者拱手歸降何
也況第一義本來清淨不受諸塵如何說得
同道方知今日放過一著向達化門中別作
箇解話會是以紹先聖之遺蹟福提祖令爲
後學之模範建立宗風若非常人曷能傳授
乃云陳謝既畢不可空然有一頌舉似大眾
日暖風和花正開七重山鎖白雲堆齋思城
而繁華處又出松門步一回師在太平受帖
拈起示衆云恁麼會去早是鈍漢何也若憑
說五千四十八卷豈不是說若不憑說又如
何辨白請維那分明拈出讀既了遂外座乃

曰祖今當行十方坐斷其中莫有不惜性念
者麼出來與老僧相見時有僧出云日月易
見好事難逢師云令人疑著問公底已至師
第十一
今受祖意西來願舉揚師云雲從龍風從虎
學云人天既獲聞真諦更有尖新事也無師
云有學云如何是尖新底事師云蹉過也不
知問白雲長老太平禪師於其中間未審如
何辨的師云你試之當着學云莫是月無來
去影現千江師云一任饋龜打瓦遂云法不
孤起仗境方生明鏡當臺好醜自現久參上
士言下知歸晚學初機當須子細是以古人
道法無去來無動轉者輒成山頃舉似大眾

觸日光明處處新其中那箇辨疎親祇園技
上千花秀一度芬芳一度春上堂僧問如
何是佛師云悉達多太子學云逾城時如何
師云自有四天王在學云到雪山時如何師
云蘆茅穿膝鵲巢頂上學云爭柰未是學人
安身處師喝云禮拜了退乃云天地為烘爐
烹煉強與弱大道本無元卷舒由橐鑑凡聖
路坦然各自看謀略謝首座上堂云槌破
蟠桃核得見其仁持斷驪龍鬚得遇其實雖
然如是也未是好手黃帝失玄珠於赤水使
智索之而不得使離朱索之而不得使契詛
索之而不得乃使罔象直競罔象得之亦未

是好事爭似今日與大眾同使一箇通事舍
人雖然如是也只得一半 上堂云永嘉道
取不得捨不得不可得中只麼得祖師道不
妙十是心不是佛不是物大眾且道是箇什麼乃
云到江吳地盡隔岸越山多結夏上堂僧問
如何是白雲境師云七重山鎖潺湲水學云
十三如何是境中人師云未去萬學云人境已
家師指示向上宗乘又若何師云面赤不如
語直乃云此夏居白雲禪人偶聚會三月九
旬中尊卑相倚賴粥飯與茶湯精厲隨忍耐
逐意習經書任運行三昧彼此出家兒放教
肚皮大 上堂云昨日有一則因緣擬舉似

大眾却為老僧忘事都大一時思量不出乃
沉吟多時云忘却也忘却也復云教中有一
道晉号聰明王有人念者忘耶記得遂云嘗
阿盧勒繼娑婆訶乃拍手大笑云記得也記
得也覓佛不見佛討祖不見祖甜瓜徹蒂甜
苦瓠連根苦下座解夏上堂云一塵起大地
收一葉落天下秋金風動處警砌畔之蛩吟
玉露零時引林間之蟬噪遠煙別浦行行之
鷗鷺爭飛絕壁危巒憂處之猿猱競肅又見
漁人舉櫂樵子謳歌數聲羌笛牧童戲一片
征帆孤客夢可以發揮祖道建立宗風九旬
無虛弃之功百劫在今時之用如斯詰會衲

子攢眉不見道一塵不立始歸家若有纖毫
非眷屬上堂僧問見未不爭時如何師云
各自守疆界進云見來却采時如何師云看
菜著你鼻孔學云謝師答話師云放乃云古
人道如何是不動尊朝到西天暮歸唐土大
眾莫是動而不動不動而動麼只者便是白
雲見處都中回上堂云船上無般工時時
事不同昨朝城郭裏今日白雲中且道不動
尊在什麼處自云氣以韁袋今人可愛自
出緣化回上堂云白雲海會院足水薰柴炭
唯少麻與寮衆人皆盡見親去化檀那疎却
阿羅漢且望大慈悲一看佛面大衆佛身

充滿於法界且作麼生看我道不隔一條線
上堂云我有一柄箒掃盡雪山雪我有一
張口臨事無可說我有一雙眼和盲悖訴瞎
任意過平生烏龜喚作鼈處世學為人喫水
須防噎仰山曾道底兩口一無舌四海五湖
人當陽瞽不瞽上堂舉靈雲悟桃花頌云
三十年來尋劍客幾經葉落又抽枝自從一
見桃花後直至如今更不疑玄沙云諦當甚
諦當教保老兄未徹在師云說什麼諦當更
參三十年始得上堂僧問如何是佛師云
獨木橋子學云如何趣向師云緊脩草鞋乃
云幸然可怜生剛地學參問既然參得了未

免肚裏悶悶即自家悶困即自家困祖佛生
冤家好與搥一頓且道佛祖過在什麼處若
人會得許你具一隻眼桐樹新宅請升座云
桐林郭評事家門華食祿性靜好吾宗溫良
如美玉封疏請諸山營齋殖洪福二人長老
共談玄正值陽和二月天渴鹿飲溪冰作水
野猿啼樹霧成煙黃梅路上多知己今日同
乘般若船乘船即不無且道說個什麼事韋
遇三春明媚因行不妨掉臂躍遷哩躍遷哩
乃拍手大笑云是何曲調

古尊宿語錄卷第二十二

易十